

Հողային առանձին տուրքի մասին. — 1) 1918 թ. յունևարի 1-ից վերացնել Հայաստանի տերիտորիայում ամէն տեսակի հողերի վրա դրած տուրքերը:

2) Ներկայ 1918թ. վերացնող հողային տուրքերի վճարողների վրա դնել առանձին տուրք հետևեալ հիմունքներով՝

ա. Տուրքի չափը սահմանել 15% ա՛յն եկամուտից, որը կը ստացւի՝ եթէ վերցնենք Կաղեօննայա Պալատայի\*) 1910թ. տւեալների հիման վրա հաշւած արդիւնքը և տասնապատկենք այն, այսպիսով կը ստացւի՝ հաշւելով տուրքի չափերը կը որ թւերով՝ էջմիածնի գաւառում 1,378,000 ռ., Երևանի գաւ. 962,000 ռ., Դիլիջանի գաւառում՝ 354,000 ռ., Նոր-Բայազէտի գաւառում՝ 677,000 ռ. և Դարալագեազի գաւառում՝ 313,000 ռ.:

բ. Տուրքի դումարը, որ հասնում է՝ Համաձայն Կաղեօննայա Պալատայի որոշման՝ իւրաքանչիւր գիւղին, մասնատրւում է Հարկատուների մէջ գիւղական ժողովների հասարակական վճիռների համաձայն և այն հիմունքներով, որ կընդունեն գիւղական ժողովները:

գ. Հարկային թերթերն ուղարկում է Կաղեօննայա Պալատան Ֆինանսների մինիստրի կողմից սահմանւած ժամանակին:

դ. Անկանոն մասնատրման դէմ բողոքներ տրւում են հարկային թերթերի առաքումից յետոյ մի ամսւայ ընթացքում:

ե. Բողոքները չեն կասեցնում մասնատրման գործողութիւնները:

զ. Հարկը տրւում է գանձարանին միանւազ՝ դեկտ. 15-ից, որ օրից և հաշւում է տուգանքը՝ ամսական 3%:

է. Ֆինանսների Մինիստրին է վերապահւում պակասեցնել հարկերի չափը մինչ հարկատուին կատարելապէս հարկից ազատելը, եթէ տւած գան-գատները հիման վրա մասնատրւումը նա կը գտնի անկանոն:

ը. Հողային հարկերի այն դումարները, որ մտցրւած են գանձարան 1918 թւի համար, հանւում են նոր առանձին հարկից:

3) Ի փոփոխումն եկամտային հարկերի կանոնադրութեան համապատասխան յօդւածներէ՝ հարկատուների արդիւնքը որոշելու նախնական աշխատանքներին, ինչպէս և մասնատրւումը Հայաստանի տերիտորիայի վրա, բացի Երևան քաղաքից կատարում է հարկային տեսուչը:

4) Եկամտային հարկը տրւում է գանձարանին միանւազ՝ դեկտ. 15-ին, որ օրից և վերցւում է սահմանւած տուգանքը:

5) Եկամտային հարկի վճարումից 1918թ. ազատում են՝ բացի Երևան և Նոր-Բայազէտ քաղաքներից՝ Հայաստանի տերիտորիայի մնացած բոլոր տեղերում հողի արդիւնքից հարկ վճարողները:

6) Եթէ Երևան և Նոր-Բայազէտ քաղաքներից դուրս հարկային տեսուչները եկամտային հարկի են ենթարկել հողը և այլ աղբիւրների արդիւնքները, նոր հարկը հանւում է հարկային տեսուչների որոշած եկամտային հարկից:

Հաստ. հոկտ. 25-ին 1918թ.

\*) Արժուակահ Պալատ: